



Inatsisartunut ilaasortaq
Aleqa Hammond, Nunatta Qitornai
/Maani

Allakkap ullua: 22-09-2020
Suliap normua 2020-15466
Postboks 1614
3900 Nuuk
Oqarasuaat (+299) 34 50 00
E-mail: nap@nanoq.gl
www.naalakkersuisut.gl

Isertortumik paasiniaasartunut nakkutilliisut pillugit § 37 naapertorlugu apeqqummut akissut

Asasara Aleqa Hammond

Ullormi 3. september 2020-mi Isertortumik paasiniaasartunut nakkutilliisut pillugit § 37 naapertorlugu apeqquut nr. 145 Naalakkersuisunut tunniuppat. Apeqquutit uannut akineqartussanngortinneqarsimapput. Akissutit Forsvarsministeriamit pissarsiarineqarput.

Apeqquut 1: Naalakkersuisut oqaatigisinnaavaat Illersornissaqarfiup Isertortumik Paasiniaasartoqarfiani suliami pineqartumi kalaallit innuttaasut pillugit inatsisunik unioqquutitsilluni tusarnaartoqartarsimanersoq aammalu/imaluunniit eqqunngitsumik paasissutissanik pissarsiniartoqartarsimanersoq?

Akissut:

Sakkutuut isertortumik paasiniaasartui Danmarkimi sammineqarnerat pillugu nunatsinnut attuummassuteqarsinnaasut paasiniarniarlugit Naalakkersuisut forsvarsministerimut saaffiginissutigineqassapput.

Forsvarsministeri ima ilisimatitsivoq:

”Sakkutuut isertortumik paasiniaasartui pillugit misissuineq pillugu nassuiaat isertortoq Isertortumik paasiniaasartunut nakkutilliisuneersoq Forsvarsministerip ullormi 21. august 2020-mi tiguaa. Whistleblowerimit ataatsimit arlalinnilluunniit paasissutissat aallaavigalugit nakkutilliisut pillugit misissueqqissaarneq, inerniliussaq, innersuussutillu arlaannaannulluunniit attuummassuteqanngitsut nalunaarusiap imarai. Nakkutilliisunit isorisat allat nakkutilliisut tusagassiortunut nalunaarutaanni 24. august 2020-imeersumi allasimapput.””Danmarkimi naalakkersuisut suliaq ilungersunarluinnartutut isigaat maannalu arlaannaannulluunniit attuummassuteqanngitsumik kalluaanngitsumillu misissuinissamut tunngavissat aalajangersaleruttorlugit.”

Apeqquut 2: Qanoq annertutigisumik Kalaallit Nunaat kalaallillu aqqissuussaasumik danskisut innuttaassusillit pillugit inatsisunik unioqquutitsilluni paasissutissanik aallarfigineqartarsimappat ingerlatitseqqittoqartarlunilu?

Akissut:

Apeqqummut 1-imut aamma 7-imut akissut innersuussutigineqarpoq.

Apeqquut 3: Naalakkersuisut ilisimatitsissutigisinnaavaat paasissutissat suut Illersornissaqarfiup Isertortumik Paasiniaasartoqarfiata Kalaallit Nunaannut attuumassuteqarsinnaasut toqqortertarsimanerai?

Akissut:

Apeqquut 1-imut akissummut innersuussutigineqarpoq.

Apeqquut 4: Qanoq annertutigisumik Naalakkersuisut Illersornissaqarfiup Isertortumik Paasiniaasartoqarfianut tunngasumi suliami ilisimatinneqarsimappat?

Akissut:

Apeqquut 1-imut akissummut innersuussutigineqarpoq.

Apeqquut 5: Naalakkersuisut suliami pineqartumi qanoq iliuseqalersarpap?

Akissut:

Naalakkersuisut Forsvarsministeri suliaq pillugu oqaloqatigissavaat kingornalu paasissutissat pissarsiarineqartut Naalakkersuisullu iliuseqartariaqassanersut isummerfigassalugit.

Apeqquut 6: Naalakkersuisut qulakkeerniarsimavaat nunatsinni atorfilittat, qinikkat imaluunniit innuttaasut pillugit sulianik akuusoqarnersoq, taakkulu paasissutissat eqqunngitsumik pissarsiarineqarsimasut pillugit ilisimatinneqarsimanngitsunik?

Akissut:

Apeqquut 1-imut akissummut innersuussutigineqarpoq.

Apeqquut 7: Illersornissaqarfiup Isertortumik Paasiniaasartoqarfiata nunatsinni innuttaasut sammineqartigippat?

Akissut:

Forsvarsministeri ima ilisimatitsivoq:

”Sakkutuut Isertortumik Misissuisartui pillugit inatsimmi allassimavoq, Sakkutuut Isertortumik Misissuisartui nunanut allanut atassuteqartunik, tassa Naalagaaffeqatigiiffiup avataanut tunngasunik, suliaqarnerminni paasissutissat Danmarkimi najugaqavissunut inatsisitigullu inunnut Danmarkimiittunut tunngasut ilanngussaqaarsinnaasut taakkuninngalu ingerlatsitseqqisinnaasut, soorlu nunat allat oqartussaqaarfiinut nunallu tamalaat kattuffiitut. Taassumunnga piimasaqaatit inatsimmi nassuiarneqarlutillu maleruagassaqartinneqarput.

Inatsimmut nassuiaatini allassimavoq, inuit Danmarkimi najugaqavissut tassaasut: 1. Danmarkip naalagaaffianni innuttaasut 2. Nunani avannarlerni innuttaasut allallu nunanit allaneersut Danmarkimiissinnaatitaasut, inuit allattorsimaffianni nalunaarsorsimasut, kiisalu 3. Qimaasut qaammatinit arfinilinnit sivisunerusumik (ilisimaneqarlutik) Danmarkimiittut.

Tassunga atatillugu oqaatigineqassaaq Naalagaaffeqatigiimmi innuttaasut pineqartillugit Naalagaaffeqatigiinni innuttaasut tamarmik pineqarmata.”

Apeqquut 8: Inatsisartut Isertortumik Paasiniaasartoqarfinnut Nakkutilliisunut ilisimatinneqartarnissaat akuutinneqartarnissaallu qulakkeerniarlugu qanoq iliuseqartoqassava?

a. Tamatumuuna nunarput periarfissaqarpa malinnaatinneqartarnissaminik?


Akissut.

Forsvarsministeri ima ilisimatitsivoq:

”Nakkutilliisut arlaannaannulluunniit attuumassuteqanngitsut Danmarkimi naalackersuisunut nalunaarusiorput. Nakkutilliisut tassunga atatillugu Politiit isertortumik paasiniaasartui, Sakkutuut isertortumik paasiniaasartui kiisalu Center for Cybersikkerhed (Sakkutuut isertortumik paasiniaasartuini) nakkutilliinerminnut suliatik pillugit justitsministerimut forsvarsministerimullu ukiumoortumik nalunaarusiortarput. Nalunaarusiat tamanut saqqummiunneqartarput taamaattumillu Inatsisartunit pissarsiarineqarsinnaallutik.”

Naalackersuisut peqatigiinnermi naligiimmik ataqpeqatigiinnerup tatigeqatigiinnerullu siuarsarnissaannik sulissuteqarput, sillimminiarneq ilanngullugu. Sulissuteqarnermut atatillugu ilisimaneqareersutut nunarput peqatigalugu paasissutissanik isertortunik avitseqatigiinnissamut aqqutissarsiornermut Naalackersuisut Forsvarsministerialu suleqatigiipput.

Inussiarnersumik inuulluaqqusillunga



Nunanut Allanut Nukissiuuteqarnermullu Naalackersuisoq